



Sebastianus in Sueuia natus est anno 1495. Is cū
 domi primas literas didicisset, atq; adulescere
 cœpisset, Viennam Austriæ petijt, atq; artium fun-
 damenta ibidem iecit. in primis uerò Latinæ lin-
 guæ usum didicit. Interea tamen semper militaria
 quoq; exercitia adiūxit, & Cæsaris castra sequi sta-
 tuit. Erat enim proceræ staturæ, & membris robu-
 stis conspicuus. Prima rudimenta militiæ in bellis
 Italicis posuit, cum Cæsar Maximilianus Venetos
 bello premeret. Postea uerò cum Carolus Cæsar
 Gallo resisteret, signa ferre & ordines ducere cœ-
 pit. Itaq; cum Franciscus rex Papiæ caperetur, eo
 prælio interfuit, atq; ob rem fortiter gestam à Cæsa-

re equestri dignitate exornatus fuit anno 1525. Post biennium quoq; cum exer-
 citu Romam petijt, atq; expugnationi & direptioni urbis interfuit, ubi etiam
 multas opes sibi cōparauit.